

فيديو # ٠٥٥ من مقاطع حظر التجول تدبر سورة الرحمن # ٣ الآية

٦٣-٧١

فاضل سليمان

السلام عليكم ورحمة الله وبركاته. اهلا بحضراتكم في الحلقة الثالثة من حلقات تدبر سورة الرحمن والمقطع رقم خمسية وخمسين من مقاطع حظر مقطع رقم خمسية وخمسين من مقاطع حظر التجول والحلقة الثالثة من حلقات سورة الرحمن. ارجو من حضراتكم تجيبوا - [00:00:01](#)

واقرا معي الآية سبعتاشر اعوذ بالله السميع العليم من الشيطان الرجيم رب المشرقين ورب المغربين يعني ايه رب المشرقين ورب المغربين؟ شف ازا وقفت على جبل وامامك الافق ما رضتش اقول فوق سطح عمارتك لان غالبا قدام عمارتك عمارات كتير فانت مش هتشوف حاجة. فيقول لك لا لو وقفت على جبل وقدامك مساحة واسعة كبيرة الافق - [00:00:30](#)

متغطي الافق بجبال اخرى علشان تشوف الشمس وهي بتغرب امامك ستري الشمس تغرب كل يوم في نقطة غير اليوم اللي قبله. بتنتقل مسافة صغيرة جدا وليه قلت الغروب؟ لان الشروق غالبا هيبقى صعب انك تنظر في الشمس وهي بتشرق - [00:01:09](#)

السبب في اختلاف نقاط الشروق ونقاط الغروب هو الميل بتاع محور كوكب الارض. كوكب الارض مش عمودي هو مائل. الارض بتدور حوالين نفسها وبتدور حوالين الشمس فبالتالي بيحصل آا ان كل يوم الشرق غير اليوم اللي قبله وكل يوم الغرب في نقطة غير النقطة اللي قبلها لو انت واقف في نفس المكان - [00:01:30](#)

غير كده ربنا في سورة المعارج قال فلا اقسم برب المشارق والمغارب خليني اوريكم صورة الناس اللي على الفيسبوك واللي على يوتيوب هيشوفوها الصورة دي بتاعة شخص اخدها طلع فوق سطح بيتهم - [00:01:57](#)

صور كل يوم غروب الشمس ووضع الصور فوق بعض فشوفوا مدى التغير في اماكن الغروب يعني هتلاقوا مكان الغروب اللي على اقصى الشمال في الشاشة. ده يوم خمستاشر مارس بعدها بشهر واربع تيام تسعتاشر ابريل بصوا المسافة اتغيرت ازاى - [00:02:18](#)

بعدها بحوالي آا عشرين يوم عشرة مايو برضو المسافة عاملة ازاى. سبعة يونيو برضه المسافة فشوف الدرجة بتاعة تغير مكانه كل ده بيصور من نفس النقطة فوق سطح بيتهم طيب - [00:02:40](#)

اقصى نقطة بتشرق منها الشمس ثم تبدأ تعود للنقطة الاولى. النقطتين دول اسمهم المشرقين والنقطتين دول بتوصل لهم الشمس عند الغروب اسمهم المغربين الشمس بتشرق من الشرق بالزبط وبتغرب من الغرب بالزبط يومين اتنين بس في السنة - [00:02:58](#)

واحد وعشرين مارس اللي هو بداية الربيع وثلاثة وعشرين سبتمبر اللي هو بداية الخريف دول اليومين اللي النهار والليل بيبقوا طول بعض فيهم بالزبط اقرا معي بقى الآية خمسة نرجع للاية خمسة - [00:03:21](#)

الشمس والقمر بحسبان ده في ناس كانت بتعبد الشمس ربك بقى هو رب الشمس سواء اشرقت من هنا او اشرقت من هنا او غربت هنا او غربت هنا هو ربها - [00:03:39](#)

كل ده باوامره. كل ده بحساب محسوب وهي بتسمع الكلام وبتروح مطرح ما هو مرسوم لها طبقا لقوانين الطبيعة كده الاعتراف بربوبية الله يقتدي الاعتراف بنعمة الله علينا فلما نقرا بقى الآية سبعتاشر والاية تمتاشر على بعض - [00:03:54](#)

رب المشرقين ورب المغربين. فباي الاء ربكما تكذبان طب سؤال من النعمة في ان الله هو رب المشرقين ورب المغربين ما هو لما ربنا يقول لي فباي الاء ربكما تكذبان؟ يعني اللي قبلها فيها نعمة - [00:04:15](#)

والاية اللي قبلها بتقول رب المشرقين ورب المغربين. فين النعمة اللي في كده قعدت افكر فيها النهاردة فبحثت في القرآن عن

المشرق والمغرب بتيجي في سياق ايه فوجدت ان في سورة البقرة - [00:04:39](#)

ربنا سبحانه وتعالى بيقول سيقول السفهاء من الناس ما ولاهم عن قبلتهم التي كانوا عليها. لما حصل تحويل القبلة ربنا بيقول للرسول

عليه الصلاة والسلام ان السفهاء هيهات هيهات جموعهم وهيقولوا ايه اللي ولاهم ايه اللي خلاهم يغيروا القبلة اللي كانوا عليها - [00:04:54](#)

قل لله المشرق والمغرب اذا هي جاية المشرق والمغرب جاية في سياق الصلاة للجوء الى الله المسلم اول ما بيدخل غرفة في فندق

اول حاجة بيعملها ايه بيباحس عن الاتجاهات عشان يعرف القبلة منين عشان يعرف هيصلي ازا في الاوضة دي هيقعد هنا عشر تيام

في الاوضة دي طب - [00:05:17](#)

اصلي ازا المشرق منين بتغرب منين عشان نصلي. طيب البقرة ايضا ربنا سبحانه وتعالى بيقول ومن اظلم ممن منع مساجد الله ان

يذكر فيها اسمه وسعى في خرابها الى اخر الاية. وبعدها ولله المشرق والمغرب - [00:05:36](#)

فاينما تولوا فثم وجه الله. برضه مرتبطة بالصلاة وبالمساجد اذا المشرق والمغرب ذكرهم دايم مرتبطة بالصلاة. تعالوا بقى نرجع للاية

سبعناشر والاية تمتناشر في سورة الرحمن رب المشرقين ورب المغربين - [00:05:56](#)

وباي الاء ربكما تكذبان فهمتم من نعمة ايه مين بيعرف يكلم ملك بسهولة يعني انا هنا في بريطانيا حاولت عايز احاول اتكلم بملكة

بريطانيا. هاعرف هيطلع عيني. والله اعلم هعرف اكلها ولا مش هعرف اكلها. عايز اوصل لها عايز اقول لها حاجة. هو سهل كده -

[00:06:17](#)

مشتاق لك قبل المالك. طب رئيس الوزراء برضه مش سهل طب وزير برضو مش سهل هي سايبه طب اللي خلق الدنيا وخلق الشمس

وخلق القمر وخلق النجم وخلق الشجر وكلهم بيسجدوا له - [00:06:39](#)

تقدر تكلمه في اي وقت وتطلب منه في اي وقت في المشرق او في المغرب صيف او شتاء مشرقين مغربين قلنا بيتغير المكان طبقا

مكان الشروق ومكان الغروب طبقا للفصل - [00:06:53](#)

رب المشرقين ورب المغربين وباي الاء ربكما تكذبان تصلوا بسهولة بدون واسطة مش محتاج واسطة سكرتارية بتعدي عليها تتوضى

وتقف تصلي. خلص الموضوع. بتمسك كتابه وبتقرا. انت بتتواصل معه خلاص - [00:07:13](#)

معي تسعناشر وعشرين وواحد وعشرين مرج البحرين يلتقيان بينهما برزخ لا يبغيان فباي الاء ربكما تكذبان البحرين قد يكون مقصود

بها البحر المالح والبحر العذب يعني البحار والمحيطات والانهار الانهار والبحار بتلتقي عند المصبات مصب النهر بيصب دايم في بحر

- [00:07:36](#)

ومع ذلك لا تختلط مياه الواحد منهم بالتاني فتغير طعمه ولا البحر ماءه ماءه آآ بيصبح عذب من كتر ما الانهار بتصب فيه ولا النهر آآ

بيصبح ماءه مالح من اختلاط ماء البحر ما بيختلطش به - [00:08:14](#)

ماء البحر ما بيردش في النهر والسبب ان الله جعل هناك حاجزا بين البحرين طبعاً المفسرين اعتمدوا على اية سورة الفرقان اللي

بتقول وهو الذي مرج البحرين هذا عذب فرات وهذا ملح اجاج - [00:08:30](#)

وجعل بينهما برزخا وحجرا محجورا. فانا اول حاجة يعني يعني من دروس التفسير اللي خدتها انه لما تلاقي بحرين في القرآن يبقى

واحد مالح والتاني عزم فرات بصراحة ما فيش دليل على كده - [00:08:52](#)

يعني مش علشان اية سورة الفرقان زكرت بحرين عذب فرات وملح وججاج يبقى لازم كل بحرين يكونوا كده ما فيش دليل على هذا.

وسبحان الله دا بيدرس في دروس التفسير. طيب - [00:09:08](#)

اه الطاهر ابن عاشور تحرر من القضية دية وقال ده ينطبق على اي بحار يعني البحر الاحمر والمحيط الهندي بيلتقوه عند باب المندب.

البحر المتوسط والمحيط الاطلنطي بيلتقوا عند مضيق جبل طارق. ده كله منطبق عليه - [00:09:22](#)

طبعاً المشكلة انه علماء التفسير والزمان وعدم اطلاعهم الكبير على الجغرافيا وكده وما كانش طبعاً في تقدم علمي فمش متخليين

انه يعني مياه البحار والمحيطات مش مختلطة ببعض علماء البحار درسوا فوجدوا ان درجة الملوحة ودرجة الحرارة ونوعية

بتختلف من بحر الى اخر طب ليه ؟ يعني لو البحار والمحيطات كلها سايحة على بعض زي ما احنا شايفين في الخريطة كده ازاى درجة الحرارة ما بتبقاش واحدة فيهم كلهم؟ يعني ده الطبيعي انك لما تحط ميه على ميه خلاص هتاخذ درجة حرارة واحدة -

00:10:04

لكن لأ بحر الشمال معروف ان هو آآ بارد جدا وفي بحار دافئة جدا كله سايح على بعضه القوانين بتاعة الطبيعة ما بتقولش كده

اكتشفوا بقى ان هناك حواجز مائية بين البحار وبعضها - 00:10:21

البحار والمحيطات ولما بتلتقي مع بعض بيجعل ماء كل بحر لا يبقي على ماء البحر الاخر. فبيبقى فيه حاجز من من المياه بينهم وبين بعض. بيحتفظ لمياه كل بحر بالخصائص بتاعته. درجة حرارتها زي هي زي - 00:10:42

درجة الملوحة زي ما هي وهكذا اقرا معي الاية تسعناشر وعشرين وواحد وعشرين تاني مرج البحرين يلتقيان بينهما برزخ لا يبغيان.

فباي الاء ربكما تكذبان المفروض نتعلم من اخواننا الجن ونقول ايه لما نسمع الاية دي زي ما قلنا امبارح - 00:11:02

ولا بشيء من نعمك ربنا نكذب فلك الحمد ولا بشيء من نعمك ربنا فلك الحمد ربنا مفتوحة لانها منادى. يعني يا ربنا مم طيب

تمام النعمة يعني معلش يعني ربنا يقول لي ان لما يكون في بحرين بيتلامسوا - 00:11:33

ربنا عمل بينهم برزخ فلا يبغيان يعني معلش انا اسف يعني فين النعمة اللي فيها حد بس يقول لي النعمة فين بينهما برزخ لا يرغيان

وباي الاء ربكما تكذبان هنا قعدت برضو افكر فيه لقيت ان ربنا منع البحر انه يبقي على البحر الصغير - 00:12:04

او حتى على النار ربنا امرنا بالقسط يعني القسط حتى في ده فهل يخشى الانسان ان ربنا يزلمه وهو شايف ان ربنا منع البحرين ان

واحد منهم يبقي يبقي على الثاني كل واحد يبقي على الثاني - 00:12:26

الواحد لما يبجي يا جماعة يعني يبقى عارف ان عنده حاكم قوي بيخاف احسن يطلع قوي وزالم يزلمه ربنا بقى هو الاعزم وهو

الاقوى وهو الاكبر وهو الاغنى ومع ذلك لا نخاف منه ان هو يزلمنا ابدًا. مين فينا خايف؟ احنا كلنا احنا - 00:12:45

الطبيعي ان الواحد يخاف من آآ غضب ربنا ومن عذاب ربنا، لكن فينا حد خايف من زلم ربنا ما حدش ده البحرين جنب بعض ما

بيخليش واحد فيهم يبقي على الثاني - 00:13:04

حاطط لها قوانين حتى دي حاطط لها قوانين باي الاء ربكما تكذبان اقرا معي اثنين وعشرين وثلاثة وعشرين يخرج منهما اللؤلؤ

والمرجان. فباي الاء ربكما تكذبان لو كان البحرين معناها الانهار والبحار - 00:13:19

قال لك الانهار ما بيخرجش منها لؤلؤ ومرجان يبقى عندكم غلطة في القرآن مش عارف ايه لأ ايه رأيك بقى ان هناك انهار بيخرج منها

اللؤلؤ وده يمكن زمان العلماء كانوا مستغربين جدا - 00:13:42

برضو لانه ما يعرفوش غير نهر النيل ونهر الفرات ونهر دجلة ما فيش فيها لؤلؤ دي. مع ان في لؤلؤ في البحار وفي الخليج

العربي ده فيها لؤلؤ من النهاردة لا احنا عارفين ان في انهار في امريكا نهر في لؤلؤ - 00:13:55

في انهار في امريكا اللاتينية فيها لؤلؤ اظن في انهار في روسيا فيها لؤلؤ ثانيا قلنا ان البحرين مش محصورة في العذب والمالح فقط

مممكن يكون المالح والمالح ايضا بحرين - 00:14:11

ثالثا العرب ممكن تذكر الاثنين ثم تتكلم عن واحد منهم بس يعني يخرج منهما اللؤلؤ والمرجان المقصود بها من واحد منهم اللي هو

البحر المالح. وده وارد ازاى ؟ في صورة الزخرف - 00:14:26

وقالوا لولا نزل هذا القرآن على رجل من القريتين عظيم. هيطلع من قريتين ازاى؟ مقصود من قرية لكن قال له رجل من القريتين

مقصود من احدى القريتين لكن لما يتقال من القريتين مفهوم ان هو من احدى القريتين - 00:14:43

فلما يتقال يخرج منهما اللؤلؤ والمرجان مفهوم انه يخرج من البحر واحد منهم بس. اللي هو المالح. وقت ما كان لسه ما يعرفوش ان

فيه لؤلؤ بيخرج من من العذب او من الانهار. في سورة نوح نفس الكلام - 00:15:06

انا بوريكم ازاى المفسرين بيشتغلوا الادوات بتاعتهم ازاى لازم يبحث في القرآن ده اسمه تفسير القرآن بالقرآن في سورة نوح الم تروا

كيف خلق الله سبع سماوات طباقا وجعل القمر فيهن نورا. القمر - 00:15:21

في واحدة منهم بس السماء الدنيا لكن تتقال كده ما قالش في احداهن نورا. فيه هنة برضو شغال يبقى يخرج منهما اللؤلؤ والمرجان ممكن يكون بيخرج من بحر منهم. تمام - 00:15:40

اقرا ثلاثة وعشرين فباي الاء ربكما تكذبان. طب ايه النعمة في اللؤلؤ والمرجان. طب انا ما بلبسش لا لؤلؤ ولا مرجاني انا هلبس لؤلؤ النعمة هنا على فكرة ما اعرفش انتم عارفين المرجان هو يعني الشعب المرجانية - 00:15:59

شكلها عامل ازاي فيه ناس بتيجي من اخر الدنيا من روسيا ومن المانيا بالطيارات على الغردقة على طول او على شرم شرم عشان خاطر تغوص بس عشان تشوف الشعب المرجانية مش الاسماك. الشعب المرجانية - 00:16:21

روعة روعة جربوا كده خشوا اكتبوا على اليوتيوب كده كورولز او شعب مرجانية واتفرجوا على اللوان حاجة رائعة النعمة هنا هي ان الله سبحانه وتعالى قد خلق الجمال في الطبيعة - 00:16:39

ما احناش عايشين في طبيعة آآ قبيحة اطلع كده بعينك كده خد لقطة خد لقطة بعينك من الشباك بيتكم من من البلكونة هتلاقي كل شئ جميل في الصورة هو اللي ربنا خالقه - 00:16:56

وكل شئ قبيح في الصورة هو للانسان عامة ايه رأيك بقى هتشوف القمر شكله يهبل هتشوف الشجرة جميلة هتشوف النخلة حلوة اوي مع كمان باك جراوند السما لونها ازرق والسحاب الابيض حاجة روعة - 00:17:16

والبني ادم هتلاقي عامل الاسفلت. عامل عمدان النور. عامل السلك شايك. لأ حاجة صعبة قوي. حتى لو البني ادم عامل حاجة حلوة مش هتبقى في جمال واتقان الشئ الطبيعي اللي ربنا خالقه - 00:17:32

فربنا خلق الجمال في الطبيعة وقلنا ان التربية الجمالية موجودة في القرآن. القرآن بيرييه التربية جمالية مش بس تربية ايمانية وتربية التزكية اللي هي التربية الروحية وتربية معرفية. لا بيرييك تربية جمالية - 00:17:48

عايزك تتذوق الجمال ليه؟ لان ده يقيك من الشيطان ايه ده! ازاي هو لما ربنا يذكر تزيين السماء وجمال الطبيعة واللوان الجبال واللؤلؤ والمرجان. بينمي فيك القدرة على تمييز الجمال الحقيقي - 00:18:03

لان الشيطان بيزين لك المعصية هيزين لك القبيح. فلما تكون متربي تربية جمالية الشيطان مش هيعرف يخدعك ويظهر لك القبيح على انه جميل فباي الاء ربكما تكذبان ولا بشئ من نعمك ربنا نكذب - 00:18:21

فلك الحمد اقرا معي الاية اربعة وعشرين وخمسة وعشرين وله الجوازي المنشآت في البحر كالاعلام. فباي الاء ربكما تكذبان له تفيد الملكية له يعني ملكه الجوازي يعني اللي اللي بتجري - 00:18:46

المنشآت اللي انتم انشأتموها يعني هو مالك السفن اللي بتجري في البحر اللي انشأها الناس كالاعلام العالم هو الشئ العالي اللي بيعتبر علامة عشان كده اسمه علم. لذلك يقال للجبل علم - 00:19:20

ويقل راية بتاعة الجيش علم وزمان السفن كانت شرعية فلما بتنزل لها بتشوف اعلام. تعال اوريكم كده لمركب من المراكب زمان. كان شكلها كده اعلام طبعا في ناس بتقول لك انها شكلها زي الجبال. ماشية؟ انا مش عارف يعني انا مش شايفها زي الجبل قوي. لكن

انا شايف الاعلام الاعلام واضحة جدا - 00:19:41

تمام؟ طيب آآ هو بقى اللي انشأ هو ربنا سبحانه وتعالى مالك هذه سفن اللي انتم بنيتوها ليه؟ انتم بنيتوها بقوانينه القانون الطفو قانون التوتر السطحي اللي ربنا خلقها - 00:20:10

خلى السفن الضخمة اللي بتزن الاف الاطنان تطفو على سطح الماء. ده انت لو حطيت حبة رز بتغرق ازاي المركب الثقيلة دي بتطفو ربك اللي خلق قوانين في الطبيعة انت قدرت تستغلها. طبعا يعني في برضو كلام ان اول سفينة كانت سفينة نوح - 00:20:27

وكانت بالوحي لكن حتى لو ما كانش اول سفينة هي سفينة نوح ربنا بالقوانين اللي وضعها وبالعلم بتاعه اللي علمه لنا احنا قدرنا نعمل السفن دية. فباي الاء ربكم ما تكذبان الاية خمسة وعشرين - 00:20:49

نعمة الانتقال من بلد لبلد وحتى البحار والمحيطات بقوة الله ما اصبحتش عائق امام السفر والتجارة وطلب الرزق وطلب العلم وباي

الاء ربكما تكذبان ولا بشيء من نعمك ربنا نكذب فلك الحمد - 00:21:09

اقرا معي ستة وعشرين وسبعة وعشرين كل من عليها فان ويبقى وجه ربك ذو الجلال والاكرام السفن اللي اتكلما عنها في الاية اربعة وعشرين دي ادوات نجاة تنقذ الناس من الغرق - 00:21:32

ومع ذلك ما يشاء ربك ان لا يبقى انسان حي على وجه الارض كل من عليها فان لن يبقى الا الله ويبقى وجه ربك ذو الجلال والاكرام وجه ربك يعني ذات الله الذات الالهية - 00:21:56

يقول لك لا ما دام الوجه يبقى هو الوجه. يا عمي يعني يقول لك كل حاجة هتفنى ما عدا وجهه. هل بقية صفاته هتفنى؟ يعني علم الله يفنى؟ يد الله هتفنى. ما هو مش معقول. يعني فاذا - 00:22:14

وجه ربك ده متفق عليه معناه ذاته. ذاته الالهية اسلمت وجهي لله يعني اسلمت نفسي تمانية وعشرين فباي الاء ربكما تكذبان فين النعمة يعني ربنا يقول سيفنى كل من على الارض الا الا الله - 00:22:24

ماشي كل من عليها فان ويبقى وجه ربك ذو الجلال والاكرام باي الاء ربكما تكذبان النعمة فين ابناء الناس ده نعمة النعمة هتكون في المساواة بين الناس الحاكم والمحكوم الظالم والمظلوم. الكل هيفنى ثم بيعث ويحاسب ويقتص للمظلوم من الظالم - 00:22:52

سورة الانعام ربنا سبحانه وتعالى يقول كتب على نفسه الرحمة ليجمعنكم الى يوم القيامة لا ريب فيه كتب على نفسه الرحمة ليجمعنكم يعني البعث والحساب ده رحمة؟ ايوه طبعا رحمة. طبعا رحمة - 00:23:18

شفاء صدور المزلومين والصابرين اللي صبروا في الدنيا وما خدوش في ناس في الدنيا كانوا ناس محترمين وطيبين وصابرين وما حدش كرمهم ما حدش عمل لهم حفل تكريم خالص فلا بد يكرم - 00:23:37

طيب وفيه ناس زلمت وفسدت وسرقت وعملت وكل ده وعدت بدون عقاب لازم يرجعوا ويتحاسبوا اذا من رحمة ربنا هو انه يجمعنا الى يوم القيامة. اذا كل من عليها فان ويبقى وجه ربك ذو الجلال والاكرام دي نعمة من نعم - 00:23:54

اقرا معي تسعة وعشرين وتلاتين يسأله من في السماوات والارض كل يوم هو في شأن وباي الاء ربكما تكذبان من في السماوات دول الملائكة ومن في الارض الناس الناس بتسأل حوائجها - 00:24:13

ده عاوز ربنا يغفر له ده عاوز الصحة عاوز يتجاوز وكده حتى الكافر اللي مش بيدعي ربنا ومش بيطلب حاجة من ربنا بيسأل الله بلسان الحال يعني بحاله حاله ان هو فيه احتياج لاشياء. اذا حتى ده يعتبر نوع من انواع السؤال - 00:24:39

بلسان الحال هو بيسأل انه محتاج حاجات ما هو محتاج صحة محتاج رزق طب والملائكة بيسألوا ربنا ايه؟ يستغفرون لمن في الارض زي ما تدبرنا في سورة الشورى كل يوم هو في شأن يعني ايه بقى - 00:24:59

يعني ما بي فوتش يوم الا وهو في قضاء حوائج العباد انت بتعبد رب لا يمل من سماع طلباتك وقضاء حاجاتك حديث ابي الدرداء اللي في سنن ابن ماجة وده حديث حسن - 00:25:14

قال النبي صلى الله عليه وسلم من شأني يعني ايه كل يوم هو في الشأن. سئل فيها. فقال من شأنه ان يغفر ذنبا او يفرج كربا او يرفع قوما او يخفض اخرين - 00:25:31

كل يوم هو في شأن يعني باستمرار في قضاء حوائج الناس وفي شؤون العباد اقرا الاية تلاتين فباي الاء ربكما تكذبان ولا بشيء من نعمك ربنا نكذب. فلك الحمد النعمة طبعا واضحة جدا - 00:25:47

ان ربك اللي بتدعوه في اي مكان في العالم في اي وقت رب المشرقين ورب المغربين في اي مكان في اي وقت هو كل يوم في قضاء حاجاتك مش عامل يومين في الاسبوع لقضاء حاجة. كل يوم هو فيه قضاء حاجتك - 00:26:10

بعد ان يفنى كل من في السماوات بقى والارض لن يكون عند الله ايه اهم من الثقلين اربعة واحد وتلاتين واتنين وتلاتين سنفرغ لكم ايها الثقلان فباي الاء ربكما تكذبان - 00:26:27

يعني ايه؟ يعني حاجة مهمة او ناس مهمة الناس لها تقل الحديث الرسول عليه الصلاة والسلام بيقول الا ايها الناس انما انا بشر يوشك ان يأتي رسول الله رسول ربي فاجيب. يعني بيقول للناس انا - 00:26:48

وانا تارك فيكم ثقلين حاجتين مهمين اولهما كتاب الله فيه الهدى والنور. فخذوا بكتاب الله واستمسكوا به فحث على كتاب الله. ورغب فيه ثم قال واهل بيبي اذكركم في الله. اذكركم الله في اهل بيبي - [00:27:06](#)

حديث في صحيح مسلم يبقى الثقلان معناها الحاجتين المهمين او القومين المهمين الانس والجن هنا هنا بيتكلم الانس والجن سنفرغ لكم ايها الثقلان بعدها قال فباي الاء ربكما تكذبان الا بشيء من نعمك ربنا نكذب فلك الحمد ولكن - [00:27:28](#)

فين النعمة برضو ازاي في ايه يا نعمة انت مش شايفها ازاي ؟ سنفرغ لكم ايها الثقلان ربك يقول لك انت اهم حاجة عندي بقي دلوقتي. انت اهم حاجة عندي - [00:28:01](#)

دي نعمة بالنسبة للمؤمن ونعمة بالنسبة للكافر. سنفرغ لكم يعني ايه ده مش معناه ان ربنا مشغول وفيه شيء ييمنعه فهيفضي نفسه علشاننا. لأ تعبیر سافرغ لك يعني ساقصد حاجتك. هاعمل حاجتك. يعني - [00:28:14](#)

لما يكون مديرك ماسك الملف بتاعك ويفتحه يقول لك فضيت لك مش بالضرورة ان هو كان مشغول. لكن فضيت لك يعني هبدأ اشتغل في موضوعك دلوقتي بقي. هبدأ الشأناك سنفرغ لكم ايها الثقلان يعني موضوعكم هبدأ - [00:28:35](#)

واحنا دلوقتي احنا في يوم القيامة خلي بالك ما هو دلوقتي كل من عليها فان ويبقى وجه ربك ذو الجلال والاکرام وبعدين سنفرغ لكم ايها الثقلان ما فيش بقى حاجة هتحصل يوم القيامة غير ان الاتنين دول هيتحاسبوا. والانس والجن - [00:28:53](#)

الملايكة مش هتتحاسب ولا الحيوانات هتتحاسب ما فيش حيوانات هتخش النار ولا هتخش الجنة. هو هيقتص بس من الشاي العجماء من المش عارف الايه بس. لكن حساب وجنة ونار الا للانسول والجن - [00:29:12](#)

معي بقى من ثلاثة وتلاتين لسته وتلاتين يا معشر الجن والانس ان استطعتم ان تنفذوا من اقطار السماوات والارض فانفذوا. لا ينفذون الا بسلطان وباي الاء ربكما تكذبان يرسل عليكم شواظ من نار ونحاس فلا تنتصران - [00:29:29](#)

وباي الاء ربكما تكذبان يعني ايه يا معشر الجن والانس ان استطعتم ان تنفذوا منها قطار السماوات والارض فانفذوا لا تنفذون الا بسلطان. يعني ايه يعني ما حدش بيكم هيقدر يهرب بقى خلاص - [00:30:01](#)

من اي طرف من اطراف السماوات والارض. يعني بتقوم القيامة حد هيعرف يهرب ما حدش هيعرف يهرب. يا معشر الجن والانس ان استطعتم ان تنفذوا منها قطار اقطار يعني من اطراف - [00:30:21](#)

اطراف السماوات والارض انفضوا يلا ورونا بتعملوا ايه عرفنا من اقطار معنا اطراف في سورة الاحزاب ربنا بيقول ولو دخلت عليهم من اقطارها ولو دخلت عليهم من اقطارها المدينة يثرب. لو اتدخلت عليهم من اطرافها لو عرفوا يدخلوا الاحزاب من اطرافها. يبقى اذا - [00:30:33](#)

ان استطعتم ان تنفذوا من اقطار السماوات والارض يعني من اطراف السماوات والارض. ما تقدروش تهربوا اذا قامت عليكم القيامة الا بسلطان يعني لازم ربنا يكون مدي لك الايه؟ الطريقة او السلطان او القدرة انك تعمل كده - [00:30:58](#)

ما تقدروش تخرجوا الا اذا انا اذنت لكم. يومها هيبقى يوم رهيب لا تقوم الساعة الا على كع ابن كع يعني الناس الضايعة خالص بقى اللي هي الناس اللي رايحة في داهية يعني - [00:31:16](#)

انما قبلها المؤمنين هيكونوا آآ ربنا قبض آآ ارواحهم يعني يرسل عليكم شواظ من نار ونحاس فلا تنتصران. ربنا بيكلم الانس والجن ليكونوا موجودين لغاية يوم القيامة اللي هم مش مؤمنين. خل بالك هيرسل عليهما شواظ شواظ يعني آآ الشواظ من نار اللي هو السنة لهب - [00:31:30](#)

السنة من اللهب ونحاس يعني نحاس مذاب فلا تنتصران ما حدش هيساعدكم باي الاء ربكما تكذبان. ها لسة بتكذبوا ايه ما هو التكريب ده هو اللي قادكم للهلاك فباي الاء ربكما تكذبان نحن لا يعني احنا بالنسبة لنا - [00:31:56](#)

ان ان شاء الله يا رب ندعو الله انه يجعل ده في ميزان حسناتنا. لكن نحن نريد ان ربنا يحاسب الناس ويرحمنا ويرحم المؤمنين ولكن الناس الظالمة والناس المجرمة احنا نريد ان ربنا يقتص لنا منهم طبعاً - [00:32:24](#)

ولا بشيء من نعمك ربنا نكذب فلك الحمد ونتوقف هنا الليلة اللهم انا نسألك حبك وحب من يحبك وحب كل عمل يقربنا الى حبك

اللهم ما رزقتنا ما نحب فاجعله قوة لنا فيما تحب. وما زويت عنا مما نحب فاجعله فراغا لنا فيما تحب - [00:32:40](#)

اللهم اجعل حبك احب الينا من اهلينا واموالنا ومن الماء البارد على الظمأ اللهم حبيبنا اليك والى ملائكتك وانبيائك ورسلك وعبادك

الصالحين واجعلنا ممن يحبك ويحب ملائكتك وانبيائك ورسلك وعبادك الصالحين - [00:33:07](#)

اللهم احيي قلوبنا بحبك. واجعلنا لك كما تحب. اللهم اجعلنا نحبك بكل قلوبنا ترضيك بكل اجسادنا. اللهم اجعل حبنا كله لك وسعينا

كله في مرضاتك. اللهم اجعل القرآن الكريم ربيع - [00:33:32](#)

قلوبنا ونور صدورنا وجلاء احزاننا وذهاب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر وفي ميزان حسناتي وحسناتكم جميعا اللهم فاطر السماوات والارض عالم الغيب والشهادة انت تحكم بين عبادك فيما كانوا فيه يختلفون. فبحق

كل حرف في كتابك - [00:33:52](#)

لو ناهوا او تدبرناه. اكفنا واهلينا واخواننا واخواتنا شر كل من يكيد لنا ولهم. واحفظنا واياهم من شرورهم. ونجعلك اللهم في

نحورهم انت الوكيل ولا حول ولا قوة الا بك - [00:34:15](#)

اللهم بحق كل حرف في كتابك تلوناه او تدبرناه. ايد بنصرك المرابطين في الارض المباركة فلسطين. وكن مع اخواننا في تركيز تاني وفي الشام وفي كل مكان. وانصر من نصرهم واخذل كل من خذلهم وطهر المسجد الاقصى من الدنس فانهم لا يعجزونك. اللهم -

[00:34:30](#)

من قضى منا بالوباء المنتشر فاكتبها له شهادة. ومن كان منا او من احبابنا او من اخواننا او من اخواتنا او من مشايخنا او من علمائنا

مريضا به او حاملا له فالبسه ثوب الصحة والعافية عاجلا غير اجل - [00:34:50](#)

ومن لم يصب به فقه شره وابعده عنه ولا تسلطه الا على اعدائك واعداء دينك واعداء اوليائك اللهم انك تعلم ان هذه القلوب قد

اجتمعت على كتابك وعلى محبتك. والتقت يا ربنا على طاعتك - [00:35:05](#)

حدث على دعوتك وتعاهدت على نصره شريعتك. فوثق اللهم رابطتها وادم ودها واهدها سبلها. واملاها الذي لا يخبو واشرح صدورها

بفيض الايمان بك وجميل التوكل عليك واحييها يا ربنا بمعرفتك وامتها يا مولانا على الشهادة في سبيلك انك نعم المولى ونعم

النصير. والسلام عليكم ورحمة الله - [00:35:24](#)

وبركاته. ونراكم غدا باذن الله في نفس هذا الموعد ان كنا من اهل الدنيا - [00:35:51](#)